

李翰林於今則 海瓊先生然先生知蔑之面而已便嘗談笑以明其心而粗陳其大綱筠少也賤父兄勉勵臨以管筆俾爲文章僅成可讀筠豈願誦習噉牙博天子一官秋風黍離肉食者鄙筠以爲君父之讎不報而求獨善非夫也故未弱冠來游京師庶幾佐助明主攘除奸宄乃從赤松游耳時既不航萬念灰冷况離虛坎實逝者如斯筠猶隱忍未能洒濯其心筠亦有說筠未能棄夫人間之事也筠見夫爲臣不忠爲子不孝者筠思食其肉而寢處其皮也久矣故嘗午夜披髮仗劍割制臂血申盟於天曰四維上下十方三界有爲臣而不忠者臣願得而殺之有爲子而不孝者臣願得而殺之潛心腦後誓願飛行木

道藏輯要

白真人集

罕

婁集六
六十一

丹風秋有淚如雨筠誠欲修頑仙之術而後知耳故飲酣膽張目眦盡裂嘗有詩曰娶妻須聶隱虬鬚要人肝又曰古云燕趙多奇士我欲載酒游邯鄲庶幾一笑倘相遇何處人間無白猿誠不知其不可者也天巧其逢遭遇 海瓊先生恭惟不捨慈悲勉以大藥此疇曩心而尙持猶豫者誠未忘夫人間事也萬一可教乞露糟粕如其去道浸遠用志徒辛卽望早示鞭影筠不敏尙能高卧壺公一然石下不至效田子春呱呱兒女聲也吁筠亦人傑也哉惟先生尙留意焉公筠頓首百拜

待制李侍郎書

訖悚息啟上 瓊山居士道契一別倏經年人間歲月如許一

劍孤飛無定處走天臺游廬阜今又過三山何異朝粵暮梧也
然尺書面目常常墮前珠璣翰墨處處傳布如月行天夜夜瞻
仰日來秋冬之初寒燠不定伏息真氣煉就超乎離坎之外在
處有物護持不在多祝詵行年七十有五老境多逆乃蒙飛章
投簡特爲啟醮顧帳塵緣安得道根可以稱是因作二句云但
得此身常老健更於何處覓神仙謾奉一笑伏讀著述甚盛且
大聰明隨身無片紙落筆滿四方人所難及所願收歛光芒更
不作此清淨業尤爲奇特最勝不知如何見桂隱云有人卽行
忽忽不多及一切長語煩儀畧之詵悚息啟上

華文揚郎中劄子

道藏輯要

白真人集

望

婁集六
六上又

長孺伏以寒盡春生好雨知時恭惟 白君逸人身寓世間心
超物外尊侯神介動止億福長孺頃守三山想萊采於老子之
宮識英豪於題壁之句初以爲仙侶不以爲今人也徐而問之
乃知其爲今人而似仙非凡者也聞在泉南無從覲面但忍渴
望梅嶺爾退休山林於石塘劉和夫處見辭章翰墨甚富諏孤
雲野鶴甚詳雖未覲面如已覲面讀戊寅年筆架山中二十八
詠今五年矣御風騎氣知在何許願使程富驟至辱惠以書且
寄之詩又以草聖千文示之驚喜下拜如從天而下又何必見
紫芝眉宇然後爲晤對耶論交自此始矣古風一首絕句三篇
別紙呈似用酬來貺未領其意勿以俗人待我是幸是望見教